



**Quæstionum Canonicarum, In Quinque Libros  
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,  
In quo agitur De Judicio criminali, exponendo primùm actiones in eo  
judicio instituendas, & suscipiendas, ...

**Schlüter, Georg**

**Augustæ Vindelicorum, 1709**

Articulus V. De usura in pignoribus & hypothecis.

---

[urn:nbn:de:hbz:466:1-73064](#)

prudentum, statutum est, 3. ut res censui subjecta pereat Censualista, si pereat, vel infrugifera in perpetuum reddatur sine culpa Censitarii; secus si tantum ad tempus, & postea rursum referat, quod sufficiat oneri census anni, 4. ne sine consensu Censualista alteri vendatur, à quo difficultius habeatur census. Sed de hoc ex professo lib. 3. Tit. 39. de Censibus.

## ARTICULUS V.

*De usura in pignoribus & hypothecis.*

1058 **P**rima quæstio est de fructibus pignoris, qui excedunt sortem, & interesse debatum, an eos non computare in sortem, contineat vitium usura? Sed ad hanc quæstionem responsum est supra n. 1044. cum limitatio-  
nibus sententiam affirmativam refingenti-  
bus. Altera quæstio est, an licitum sit pigno-  
ribus adjectum *pactum antichresos?* quo  
intelligitur pactum adjectum pignori, ut  
eius fructus creditor interim tam diu per-  
cipiat, & lucretur, donec pignus solutio-  
ne sortis eliberetur; licet excedant sortem.  
Sed &c. omnino illicitum esse; sic Hau-  
nold. tom. 4. de Just. tr. 10. n. 928. cum  
communi Theolog. Nam pactum usu-  
rarium ipso iure nullum est, & tam divinis,  
quam humanis legibus prohibitum, ut  
constat ex toto titulo de usuris: hoc autem  
pactum est usurarium, si pignori adjectum  
sit. Nam usura est, quidquid, & vi mu-  
tui ultra sortem accipitur; sed in dato ca-  
su fructus pignoris excedentes interesse de-  
bitum, acciperentur ultra sortem, vim mutui;  
cum expressè c. 1. & 2. de usuris dicantur  
*computandi in sortem, ut caveatur usura;*  
ergo si secus, eorum perceptio erit usura,  
& quoniam sit *vi mutui pacto informati*, erit  
*vi mutui.*

1059 Dicte, 1. licitum esse pactum anti-  
chresos propter incertum fructuum even-  
tum, etiam si fructus legitimus usurarum  
modum interdum excedant, ut constat ex  
L. *si oleo* L. *si pactione*, L. *si è lege*. C. de  
usuris. Verum licet jure civili, ut constat  
ex toto titulo ff. & C. de usuris, etiam usu-  
rire permisae sunt; non tamen propterea in  
conscientia licite sunt; cum certum sit eas  
peccatum esse. Hinc illa jura nihil proban-  
t; cum jus civile non possit in con-  
scientia licitum reddere, quod jure divino, &  
canonico prohibitum est.

1060 Dicte, 2. quod sit præcisè juvandi  
tom. V.

proximi causâ, non est illicitum; ergo si  
antichresis eo solum titulo contrahatur,  
non erit illicita: hoc autem sæpe contin-  
git, cum proximus graviter eget pecuniâ;  
ergo sæpe licita est. Sic Andr. Gail. l. 2. ob-  
servat. 3. n. 5. Verum nego univeraliter  
antecedens; quia quod de se malum est,  
nec proximi causâ licet, alias liceret men-  
tiri, cum mendacio à gravi periculo pro-  
ximus liberari posset. Et quæ quæso est  
charitas proximi, *præcisè titulo mutui* auf-  
ferre proximo fructus pignoris? cum pe-  
cuniâ per se mutuata, ceteroquin otiosa  
suisse. Nam si alias otiosa non fuisset,  
alio titulo licitum est interesse.

Dices 3. fructus illos posse computari 1061  
in vicem molestiae quam creditor subit in  
colendo fundo, in credito non simul, sed  
per vices reputando, quæ particularis so-  
lutio multa habet incommoda; ergo hoc  
titulo potest fructus ultra sortem percipe-  
re? &c. non posse; quia contractus initio  
quidem voluntatis sunt, postea vero ne-  
cessitatis, ut dicitur L. *Sicut* de act. & ob-  
ligat. Hinc creditor sibi debet imputare,  
quod, cum nullo jure cogeretur ad mu-  
tuandum, hanc sibi necessitatem injec-  
tit, ex fructibus rei pignoratae sortem  
suum colligendi; quamvis & hæc mole-  
stia se liberare possit, non recipiendo in se  
pignus, sed Hypothecæ nomine relin-  
quendo debitori, ut notat Canifus cit. hic,  
n. 24.

Dices 4. in dato casu fructus non per-  
cipentur *vi mutui*; ergo non forent usu-  
ra. Anteced. patet, quia in dato casu sors  
non posset revocari, quod est contra na-  
turam mutui. &c. non percipi *vi mutui* nu-  
di, sed *vestiti* pacto initio propter mutuum,  
seu mutationem præcedentem; hinc cum  
creditor lucretur fructus pignoris *vi pacti*, *ut*  
*sapponenter* *mutuum*, merito in usuram incidit  
damnatum c. 1. h. t. ubi Alexander III. ait,  
*sab genere usura & damnata contineri*, si quis  
alicuius professionem datâ pecuniâ accepit,  
& ubi sortem suam deductis expensis de  
fructibus jam percepit, possessionem non  
restituat debitori & c. 2. eod. ubi hoc etiam  
dicitur de Laicis; item c. 10. eod. ubi Urbanus  
III. dicit, eum, *quasi usurarium injus-  
ticio animarum debere judicari*, qui mutuat  
eâ mente, ut ultra sortem aliquid accipiat;  
vel vendit rem plus, quam valeat, *quia*  
*differt solutionem*. Huc etiam pertinet c.  
132. cum sequentib. 14. q. 3. Idem est, si  
Ff 2 dicas

dicas donari donatione supponente mutationem præcedentem. Mutuo autem non obest contrahi ad certum tempus, & in diem certum, atque adeo irrevocabilitas illa.

1063

Ne autem in hoc pactum antichrescos usurarium temerè incidamus, prudenter monet Dominicus Soto de Just. & Jure l. 6. q. 1. à 2. apud Canis. cit. n. 29. ut creditor rem, quam alioquin debitor pignori destinaverat, certo pretio emat cum pacto relutionis, seu revenditionis. Nam tali casu fructus, aliæque obventiones lucro cedunt emptori licet; cum jam eas percipiat *ex re sua*, L. qui sit, ff. de usuris; & hoc pactum revendendi esse licitum etiam in conscientia multis authoritatibus probat Tiraquellus, Navarrus, & alii apud Canifium l.c. Si dicas antichresis, & emptio illa in eundem finem tendunt, videlicet ad lucrando fructus rei; ergo si non licet antichresis, nec licet illa emptio. *q.* esse diversitatem *in modo*; nam emptio est modus licitus lucrandi fructus, antichresis illicitus, & usurarius; ille tendit ad lucrando fructus *ex re sua*, iste *ex aliena*.

1064

Dices 2. etiam ille, qui per viam donationis, vel usus fructus lucratur fructus, tendit ad eos lucrando ex re aliena, & tamen non est illicitus modus lucrandi. *q.* viam donationis, & liberalitatis esse modum de se licitum, non autem viam mutui tendentis ad lucrum ultra sortem, præcisè vi mutui; cum in mutuo ea tantum res in obligationem veniat, quæ data fuit, non alia. Quod autem eadem res recte detur uno modo, & non altero, patet. Nam hereditas justè dari potest testamento, non autem pactis. L. hereditas. C. de pactis conventis, & L. licet C. de pactis.

1065

Dices 3. antichresis etiam jure canonico saltem aliquibus casibus permittitur; ergo de se non est mala; anteced. patet. Nam Clericus potest beneficii sui fructus à Laico injustè posselli, & sibi pro mutuo obligati, licet percipere, ut dicitur c. 1. de usuris ibi: *nisi forte Ecclesia beneficium fuerit, quod redimendum hoc loco de manu Laici videatur*. 2. Cum domino feudi res feudalies in pignus datur, non tenetur fructus in sortem computare, c. conquestus codem ibi: *nisi terra ipsa de feudo sit Monasterii vestri*. 3. Gener fructus possessionum pro dote sibi obligatarum licet non computat in sortem. c. salubriter 16. eod. ibi: *Sanè generum ad fructus possessionum, quæ*

*sibi à socero sunt pro numerata dote pignori obligata, computandos in sortem, non creditus compellendum.* *q.* negando, Jure Canonico permitti antichresis ex pignore. Nam in primo casu solum ab injusta possessione avocat Clericus possessionem *reis sua*, non tamen percipit viam mutui fructus *ex alieno*. In secundo casu non est usura, cum fructus percipiat Dominus feudi *ex re sua* jam consolidata; sedum enim, cum à Vasallo in pignus datur Domino, consolidatur, & Vasallus ab onere obsequiorum liberatur: in tertio casu percipiuntur fructus in defecum dotis non sufficientis ad onera matrimonii supportanda, ut patet ex ipso textu ibi: *cum frequenter dotis fructus non sufficiant ad onera matrimonii supportanda*. Hinc simpliciter N. anteced. de antichresi, quam recirimus. Vide Wadingum de Contract. D. 6. d. 9. f. 1. & 21.

Quæstio est 3. an licitum sit in contra-<sup>1066</sup> etu pignoris, *pactum legis commissoria?* quo scilicet inter debitorem, & creditorem convenit, ut, si ab illo non solvatur debitum *intra certum tempus*, pignus committatur, hoc est, creditori cedat, ad eumque pertineat, sic, ut à debitore amissum sit &c. *q.* illud jure Canonico, & civili reprobatum esse, ac illicitum, nisi statum limitatione ad justum pretium, & solum secundum estimationem debiti cedat, patet ex c. significante, de pignoribus ibi: *cum igitur pactum legis commissoria sit in pignoribus improbatum*, ut dicitur L. 3. C. de pactis pignorat. Et ratio est, quia, cum pignus communiter plus valeat, quam debitum ex mutuo, eo ipso *vi mutui*, aut saltem *vi pacti*, supponens mutuum, perciperetur aliquid ultra sortem, quod est usura: hoc autem non contingit, facta illa limitatione; ergo. V. Cholin. d. 324. Wad gum, cit. D. 10.

Ex dictis colliges, nec pignoratorem, <sup>1067</sup> nec pignoratarium stricte loquendo, habere plenum dominium pignoris, neuter enim habet omnem usum: *non primus*, cum non possit rem habere penes se, *non secundus*, cum non habeat proprietatem: ergo. Quia tamen id, quo caret dominus pignoris, ethicè, & moraliter propè nihil est, ideo Molina torn. 2. d. 3. n. 16. censet, nullum jus in re, residens in alio à proprietario, obstare, quod minus hic dicatur pleno jure dominus, propter usum for malum.

malem maximè perpetuum , ut est in emphyteusi , feudo , iuperficie , perpetuis . Quare , rem esse subjectam hypothecæ , pignori , servituti , censui , juxta hunc sensum , non facit , ut proprietarius , non sit rei plenus dominus , scilicet moraliter , & ethicè , sic ille .

## ARTICULUS VI.

An , & quibus usura restituvi debant?

<sup>1068</sup> Questio est 1. an dominium usurarum transferatur in Usurarium? Communior opinio Doctorum negat cum S. Thoma 2. 2. q. 78. à 3. in O. licet Cardinalis de Lugo D. 25. de Just. S. 11. n. 206. & alii affirment , sed revocabiliter , seu cum onere restitutionis . Nam solvens usuras est earum Dominus ; ergo si velit eas fieri alterius , & is accepter dominium , in hunc transferetur , saltem earum , quæ cum rebus ejus permiscentur . Probabilior tamen est sententia negantium ; nam , quod dicit de Lugo , non procedit , ubi recipiens est iure inhabilis , & deficit titulus iure pariter requisitus ad dominii translationem , id , quod non habet contractus usurarius .

<sup>1069</sup> Questio est 2. an Usurarius habeat dominium earum rerum , quas ex usuris perceptis emit? <sup>1070</sup> 1. si quid lucratus est ex pecunia usuraria . v. g. ludendo , negotiando , cum quidem cum estimatione damni emergentis , vel lucri cessantis teneri ei , qui usuras solvit , restituere pecuniam usurariè acceptam , non autem , quod cā lucratus est per suam industria ; quia hujusmodi lucra non sunt fructus pecunia , cum hæc ex se sterilis sit ; sed proveniunt ex industria Usurarii , ideoque ipsi acquiruntur . Sic depositarius , quod emit ex pecunia apud se deposita , sibi acquirit : L. sive ex ea , 6. C. de rei vindic . Sic etiam fur , aliquid emens ex pecunia furtiva , sibi acquirit ; quia , quod ex refurtiva acquiritur , furtivum non est . L. qui vas , ff. de furtis . Similiter si uxor ex pecunia viri defuncti , pertinente ad filium , aliquid emat , suo proprio nomine , sibi acquirit . L. qui aliena . C. si quis alteri , vel sibi . Denique si quis eripiat artifici sua instrumenta , ac illis industria sua , & labore aliquid lucretur , sibi lucratur , non artifici ; quamvis rem erectam cum damno emergente , & lucro cessante , teneatur restituere . <sup>1071</sup> 2. Si res usuraria sit fructifera , fructus ejus acquiri usurario , si usura transit

in dominium usurarii , quia sicutas percipit , ex re sua ; secus si usura non transeat in dominium usurarii , juxta dicta n. 1076. quia res fructificat Domino suo .

Præterea not. 1. Usurarium vendentem usuras non transferre illarum dominium in Emptorem ( si usurarius non sit dominus usuratum ) juxta L. 11. §. & imprimis ff. de action. empt. acquirere ramen dominium pretii ; quia pretium rei furtivæ non est furtivum . cit. L. qui vas : Sitamen res usuraria vendita evincatur , & emptor cedere cogatur , usurarium in foro conscientia teneri emptori pretium restituere , cum sit iusta causa damni , quod subit emptor in casu dictæ evictionis . Sic Azor p. 3. l. 5. c. 12.

Not. 2. id quod comparatur pecunia <sup>1071</sup> usurariæ , non comparari ad eam , ut ramum ad radicem , seu ut fructum ejus , sed ut fructum negotiationis . Et ideo Usurarius in eo casu non habet commodum ex iniuitate , sed ex labore ; nec in hoc casu res empta ex pecunia usuraria succedit loco pretii , seu pecunia , sicut in hæreditate fidei commiss. &c. his præmissis :

<sup>1072</sup> 3. Usuras omnino esse restituendas , & primo illis , à quibus sunt receptæ , vel in horum defectu , illorum hæredibus ; si nec tales sint , pauperibus , ut constat ex c. Cum tu 5. h. t. ibi : sive ante sive post interdictum nostrum usuraras extorserint , cogendi sunt , eas his , à quibus extorserunt , vel eorum hæredibus restituere , vel , his non superstitibus , pauperibus erogare , tum ex c. Nemo , 14. q. 5. Et si usurarius recessit à loco , ubi usuras accepit , suis expensis eas mittere ad eum , à quo accepit , etiamsi expensæ excedant usuras ; quia sibi imputare debet damnum , quod suā culpā sentit ; secus si recessit alter , sic Pirhing . hic n. 102.

Quando autem in cit. c. Cum tu , dici. <sup>1073</sup> tur : possessiones , qua ex usuris comparata sunt , debere vendi , & earum pretia recepta restituiri his , à quibus usura sunt extorta , intelligi debet , dum adhuc sunt sub dominio usurarii , non autem , si sint alienatae titulo , vel lucrativo , vel oneroso ; quia , lesa per usuras non sunt realiter , etiam tacite hypothecatae , sed tantum obligatae ratione personæ , nimirum usurarii Azor cit. q. 13. §. Tertia opinio .

Questio est 3. an usurarius gaudeat be. <sup>1074</sup> neficio cessionis bonorum ? <sup>1075</sup> 1. cum hoc beneficium ( quo debitорibus conceditur , ut non possint conveniri post cessionem in so-